



Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's affairs

Broj: 06-11-10526-7/20
Sarajevo, 08.06.2020. godine

OTPREMLJENO

08-06-2020

potpis

Na osnovu čl. 64. stav 1. tačka (b), 70. st. 1, 3. i 6. Zakona o javnim nabavkama BiH („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za javne nabavke („Službeni glasnik BiH“, broj 103/14), čl. 58. i 68. stav (1) Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), na preporuku Komisije za javne nabavke broj: 06-11-10526-5/20 od 04.06.2020.godine, u postupku javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2020. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), nabavka broj 06-14-10526/20 od 24.04.2020. godine, obavještenje o nabavci objavljeno na Portalu javnih nabavki pod brojem: 920-1-3-2-3-70/20 i u „Službenom glasniku BiH, Tenderska dokumentacija objavljena na Portalu javnih nabavki, Ministar za boračka pitanja Kantona Sarajevo donosi

O D L U K U

**o izboru najpovoljnijeg ponuđača za javnu nabavku:
Izvođenje građevinskih radova i pružanje građevinskih usluga
za pripadnike boračke populacije Kantona Sarajevo za 2020. godinu
Otvoreni postupak uz primjenu E-aukcije
JRJN: 45000000-7 (Građevinski radovi)**

Član 1.

Prihvata se preporuka Komisije za javne nabavke broj: 06-11-10526-5/20 od 04.06.2020. godine i ugovor za javnu nabavku: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2020. godinu dodjeljuje se **ponuđaču „SENIGOR“ d.o.o. Sarajevo d.o.o. kao lideru konzorcija sa Eko Teh d.o.o. Sarajevo , ponuda broj: 06-11-12712/20 od 18.05.2020. godine, za ponuđenu cijenu nakon provedene E-Aukcije 128.287,10 KM bez PDV-a, odnosno 150.095,91 KM sa PDV-om.**

Član 2.

Prijedlog ugovora o nabavci dostavit će se na potpis izabranom ponuđaču „SENIGOR“ d.o.o. Sarajevo – kao lideru konzorcija po protoku roka od 15 dana, računajući od dana od kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

Član 4.

Ova Odluka objavit će se na web-stranici Ministarstva za boračka pitanja Kantona Sarajevo www.mbp.ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2020. godinu pokrenut je Odlukom o pokretanju postupka javne nabavke broj: 06-11-10526/20 od 24.04.2020. godine.

Javna nabavka je provedena otvorenim postupkom uz primjenu E-aukcije.

Procijenjena vrijednost javne nabavke je 128.205,00 KM.

Obavještenje o javnoj nabavci je objavljeno na Portalu javnih nabavki pod brojem: 920-1-3-2-3-70/20 i u „Službenom glasniku BiH“.

Krajnji rok za dostavljanje ponuda prema obavještenju i tenderskoj dokumentaciji objavljenim na Portalu javnih nabavki bio je 18.05.2020. godine do 10.00. sati.

Javno otvaranje ponuda bilo je 18.05.2020. godine u 11.00 sati.

Komisija za javne nabavke imenovana Odlukom ministra broj: 06-11-9144/20 od 31.03.2020. godine dana 18.05.2020. godine u 11.00 sati izvršila je javno otvaranje ponuda po otvorenom postupku javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2020. godinu.

Na javnom otvaranju ponuda prisustvovali su svi imenovani članovi Komisije za javne nabavke, a ispred ponuđača je prisustvovao ovlašteni predstavnik ponuđača Senigor d.o.o. Sarajevo (ovlaštenje direktora Islam Senada od 18.05.2020. godine), a što je konstatovano u zapisniku o otvaranju ponuda.

Zapisnik o otvaranju ponuda zajedno sa zapisnikom o zaprimanju ponuda prosljeđen je svim učesnicima u postupku u skladu sa članom 63. stav 6. Zakona o javnim nabavkama BiH („Službeni glasnik BiH“, broj 39/14).

Ponuđači koji su dostavili blagovremen i potpune ponude:

Redni broj	Ponuđač	Vrijednost ponude (bez PDV-a)	Popust	Vrijednost ponude sa popustom bez PDV-a	Vrijednost ponude sa popustom sa PDV-om
1.	Senigor d.o.o. Ilidža, Sarajevo	128.287,50 KM	0%	128.287,50 KM	150.096,38 KM
2.	Dinalsa d.o.o. Sarajevo	130.840,90	0%	130.840,90 KM	153.083,86 KM

Ovakve ponuđene cijene su utvrđene na javnom otvaranju ponuda i unesene su u Zapisnik o otvaranju ponuda od 18.05.2020. godine. u 11.00 sati.

Komisija za javne nabavke je na zatvorenoj sjednici pristupila evaluaciji pristiglih ponuda.

Tokom evaluacije ponuda Komisija je utvrdila da je ponuđač Senigor d.o.o. Sarajevo dostavio ponudu kao lider konzorcija sa Eko Teh d.o.o. Sarajevo (Ugovor o konzorciju broj: 64/ETP/20 – 11/20 od 14.05.2020. godine) i Ovlaštenje za zastupanje broj 65/ETP/20 od 14.05.2020. godine. Prema navedenom Ugovoru lider konzorcija Senigor d.o.o. Sarajevo je od strane Eko Teh d.o.o. Sarajevo između ostalog ovlašten da u ime konzorcija poduzima sve potrebne radnje u smislu zastupanja konzorcija u odnosima sa ugovornim organom.

Prema Ovlaštenju za zastupanje navedeno je da ponuđač Senigor d.o.o. Sarajevo u predmetnom postupku javne nabavke ima pravo istupa, predstavljanja i ovlaštenje za potpisivanje ugovora u ime ponuđača Eko Teh d.o.o. Sarajevo za predmetni postupak javne nabavke (Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2020. godinu).

Nadalje, tokom evaluacije ponuda Komisija uvijek vrši i računsku provjeru specifikacije (obrasca za cijenu ponude – radovi) prema jedničnim cijenama (koje se smatraju nepromjenjivim), te ukoliko utvrdi grešku u ukupnoj vrijednosti o istoj obavještava ponuđača koji je dužan prihvatiti ispravljeni iznos, a u suprotnom ponuda se odbacuje, a što je u skladu sa predmetnom tenderskom dokumentacijom gdje je između ostalog navedeno „ako postoji razlika između jedinične cijene i ukupnog iznosa koji se dobije množenjem jedinične cijene i količine, jedinična cijena koja je navedena će imati prednost i potrebno je ispraviti konačan iznos“.

1. Senigor d.o.o. Sarajevo – kao lider konzorcija

Nakon provjere računske ispravnosti, a na osnovu upisanih jediničnih cijena, utvrđena je razlika u ukupnoj cijeni na više artikala čijom korekcijom se vrijednost ponude umanjuje za 0,40 KM. Dakle, vrijednost ponude od 128.287,50 KM se ispravlja na iznos ponude 128.287,10 KM. Ponuđaču Senigor d.o.o. Sarajevo kao lideru konzorcija upućen je zahtjev za dostavljanje saglasnosti na korekciju cijene broj: 06-11-10526-3/20 dana 29.05.2020. godine, na šta je ponuđač u roku dostavio saglasnost za korekciju cijene.

2. Dinalsa d.o.o. Sarajevo

Nakon provjere računske ispravnosti, a na osnovu upisanih jediničnih cijena, utvrđena je razlika u ukupnoj cijeni na više artikala čijom korekcijom se vrijednost ponude uvećava za 1.303,00 KM.

Dakle, vrijednost ponude od 130.840,90 KM se ispravlja na iznos ponude 132.143,90 KM.

Ponuđaču Dinalsa d.o.o. Sarajevo upućen je zahtjev za dostavljanje saglasnosti na korekciju cijene broj: 06-11-10526-3/20 dana 29.05.2020. godine, na šta je ponuđač u roku dostavio saglasnost za korekciju cijene.

Što se tiče preferencijalnog tretmana domaćeg iz tačke 8.14 tenderske dokumentacije u kojoj je između ostalog navedeno:

Kao dokaz o preferencijalnom tretmanu domaćeg ponuđači su dužni dostaviti:

- Potvrdu PIO/MIO iz koje je vidljivo koliko lica iz BiH je zaposleno, odnosno kojom dokazuju da je više od 50% zaposlenika porijeklom iz BiH;
- Izjavu potpisanu i ovjerenu od strane ovlaštenog lica ponuđača o preferencijalnom tretmanu.

analizom ponuda utvrđeno je da nijedan ponuđač nije dostavio dokaze na način kako je traženo tenderskom dokumentacijom.

U ostalim elementima obje ponude su potpune, te se pristupilo zakazivanju E-Aukcije.

E – Aukcija je zakazana za dan 03.06.2020. godine u 11.00 sati u trajanju od 20 minuta.

Nakon okončane E-Aukcije, Agencija za javne nabavke je dostavila Izvještaj o provedenoj E-Aukciji.

U dostavljenom Izvještaju utvrđena je rang lista ponuđača kako slijedi:

1. Senigor d.o.o. Sarajevo – ponuđena cijena nakon provedene E-Aukcije je 128.287,10 KM
2. Dinalsa d.o.o. Sarajevo – ponuđena cijena nakon okončane E-Aukcije je 132.143,90 KM

Utvrđeno je da su ponuđači nakon provedene E-Aukcije ostali pri ponuđenim (korigovanim) cijenama, te je utvrđeno da je najpovoljniji ponuđač u ovom postupku javne nabavke Senigor d.o.o. Sarajevo d.o.o. Sarajevo sa ponuđenom cijenom 128.287,10 KM bez PDV-a, odnosno 150.095,91 KM sa PDV-om.

Komisija takođe konstatuje da je ponuđena cijena najpovoljnijeg ponuđača za 82,10 KM veća od procijenjene vrijednosti predmetne javne nabavke, te jednoglasno prihvata ponuđenu cijenu, jer ne predstavlja veće odstupanje u cijeni (0,06%), a i sredstva za isplatu su obezbjeđena u Budžetu.

Komisija za javne nabavke je održala ukupno 5 sastanka u periodu od 19.05.-04.06.2020. godine. Na osnovu naprijed navedenog Komisija je dostavila preporuku ministru kao predstavniku ugovornog organa o izboru ponuđača Senigor d.o.o. Sarajevo kao lider konzorcija sa Eko Teh d.o.o. Sarajevo sa ponuđenom cijenom 128.287,10 KM bez PDV-a, odnosno 150.095,91 KM sa PDV-om.

Prema zapisnicima, preporuci i izvještaju dostavljenim od strane Komisije za javne nabavke u postupku javne nabavke: Izvođenje građevinskih radova i pružanje građevinskih usluga za pripadnike boračke populacije Kantona Sarajevo za 2020. godinu, ocijenjeno je da je postupak blagovremeno proveden, te da je izbor prvorangiranog ponuđača „SENIGOR“ d.o.o. Sarajevo – kao lidera konzorcija sa Eko Teh d.o.o. Sarajevo izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama BiH, te člana 58. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

1. Ponuđačima X2;
2. Evidenciji;
3. a/a.

MINISTAR

Hajrudin Grabovica



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1

